

QVÆSTIO MEDICA.

QVOD LIBETARIIS DISPVATIONIBVS MANE DISCVTIENDA

IN SCHOLIS MEDICORVM, DIE IOVIS XII. NOVEMBRIS,

M. PETRO LEGIER Doctore Medico, moderatore.

An, in febris, Alterantia frequenti phlebotomia præferenda?

844.

FEBRIS morborum communissimus, idemque homini maxime familiaris, primum accenditur in corde, mox per vniuersum corpus diffunditur, nulli magnitudine aut periculo inferior, validissimum corporis membrum obsidens, qua sine mori neminem raro contigit, licet nonnumquam à periculosis morbis vindictæ. At cum varium sit illud quod in corpore feruorem concipit, non est vniuersi febris ratio. Quæ tenui dissipabiliq; substantia sustinetur, vnicò die longius non excurrit, in qua verè spiritus accenduntur, interdum putrent, neque pestilentem febrem committunt, in hac nihil penitus sanguis corrumpitur, vt neque in ea quæ solidas corporis partes occupat, hæctica febris, quandoque per se mox nata, nonnumquam febri ardenti succedens, si fortè diu protrahatur, nec illius feruor, vllis refrigerantibus arceatur, per se contumax, nedum ægrè ac vix sanescens.

IN humoribus februm gens altera constituitur varietate pene infinita, assidue periculosa, accessu & recessu mirabilis, pabulum illi præbet humor putrescens, qui in maioribus vasis si continenter vaporibus cor afficiat, continuam efficit, illam quidem miorem, grauiorem pro succorum varietate: nempe putredinis vitio labefactatus sanguis, in congenitos humores faciliè degenerat, accenditq; febres continuas, quæ intermittentiù more, modòq; exacerbantur; tùm etiam synochum putrem, caustum hauustu agonistico curandum, nisi fordeant viscera. Porro putridus humor promiscuè cum sanguine puro confunditur in venis, vt difficilis sit, & soli naturæ nota per crises vtriusque secretio, nec cuiusvis artificis in puro sistere vacationem, emanat sanguis vniuersus, qualis in venis continetur; quisquis secto loco propior, deinde qui illi vicinus est, è venis, arteriis, verùm etiam visceribus educitur, vt patente viâ omnis plerumque cum anima excedat.

QVÆ putredo à corde semiotior tetra anathymias, vitæ aciem assidue non attingit, sit febris intermittens parens, fomite, tum fomitis loco, à continua discrepat, variam quoque februm speciem profert, prout in cauis hepatis bilis, liene aut ventriculo humor melancholicus & pituitosus putredine flammam conceperint; nec aliunde circuitum repetenda dispar ratio, dum occultantur modo, modo aperiantur, tum recedunt aliàs antecedunt. Neq; tamen sunt innoxie, licet aliquando sanguis immoderate profluat, cum ille nec solatio, nec remedio esse possit: humor effusus sanguinis benignitate minime dilutus, acrius excandescit febremque adauget, vt quævis intermittens carere debeat frequenti sanguinis detractiõne, ne partium fœda illuue in maiores venas abrepta, vasa fordescant.

FEBRIVM curationem sanguinis missione perfici, nouum non est; at febrem penè nullam esse, in qua eximendi sanguinis nullum finem, nisi caloris extinctio faciat, notuum & periculosum: Nostri namque voluptas corporis & naturæ delicie sanguis, ad robur animalis eiusdemque tutelam confert plurimum; hinc non solum in febris, sed & in sanis, venas eodem anno sepiùs incidere accommodatum non est, quod cum multo sanguine naturalis calor, vitalis spiritus plurimus effunditur, proinde rectène plethora tibiæ scarificatu, velut vicario venæ sectionis, sine molestia ac citra validam corporis commotionem soluenda est? Pueris, senibus, prægnantibus, sanguinem incisâ venâ crebrò detrudere, non satis tutum: quouis morbi tempore ipsoque die critico nectas: viuifico neccare fraudata natura, priuatur quilibet molendi potestate, vt nullam excretionem bonis ægri rebus valeat suscipere. Omnino vberim eductus sanguis, cor exhaustum, vnde minimè decuit, ad deditiõnem cogit, quos non perimit, videndi priuat acuminè, sterilitatem affert, corpusque paupertate spiritus & caloris effectum, immaturæ tradit senectuti.

LONGE securior est vsus remediorum, quorum vbertatem vegetantium sylua suppeditat, in ijs etsi vilissima & vulgò notissima sint, tamen medicinæ dignitas elucet; vt quæ gemina & aduersa qualitate cum febre pugnent, refrigerii plurimum jecori, cordi æstu febrili accenso, comparent, calorem & spiritum quem natura habet vnicè charum, præcipuè foueant, vt ea quæ corpus nostrum regit facultas, morbi materiam faciliè queat excludere. Anteceptum remedium plerumque citra indicationem vsurpatur sanguinis missio, atque etiam dubia & nulla spe salutis, Vbi direpta sunt naturæ opes ac prope collapsa vitæ principia, sine quibus vis nulla præsidiorum consistit, frustra expectes vt Erus reuiuifcat. Ecce frequentis & pene assiduæ venæ sectionis noxa multi iugent, plures iniqua viuendi conditione quasi absumpto viuacitatis fonte languescunt, anhelitu, hydropes, hepatis aut ventriculi imbecillitate laborant, vnde facilis lapsus in exitiales morbos arthritidem, paralytum, apoplexiam. Quæ verò duplici contemperandi facultate pollent, vt tutiora sic frequentius & liberalius vsurpanda. In febris alterantium administratio, nunquam intempestiua, nequaquam molesta, ea dum probam temperiem conciliant, maiori robore morbum oppugnant & melioribus vinibus ægrotantem reddunt sanitati.

Ergo in febris, alterantia frequenti phlebotomia præferenda.

F.M.P.
FLORENTINUS

291.

Proponebat Lutetiæ IACOBVS GAVOIS Parisinus. A. R. S. H. M. DC. XXXVII.

DOMINI DOCTORES DISPVATVRI.

M. Nicolaus Langlois.
M. Claudius Chrestien.
M. Gilbertus Pnylon.

M. Victor Pallu.
M. Georgius Ioudouyn.
M. Hugo Chasles.

M. Gabriel Biart.
M. Ioannes Degorris Med. Reg.
M. Renatus Charrier Med. & Prof. Reg.